



Աուդիտորական գործունեության հանձնաժողով

Որակի կառավարման միջազգային ստանդարտ – ՈԿՄՍ 2

Կիրառելի է.

- 2022թ. դեկտեմբերի 15-ին կամ դրանից հետո սկսվող ժամանակաշրջանների ֆինանսական հաշվետվությունների աուդիտի կամ դիտարկման առաջադրանքների համար,
- 2022թ. դեկտեմբերի 15-ին կամ դրանից հետո սկսվող ժամանակաշրջաններին վերաբերող այլ հավաստման կամ հարակից ծառայությունների համար:

Կիրառելի է բոլոր այնպիսի առաջադրանքներում, որոնց համար առաքելության որակի հսկողությունը պարտադիր է, որոնք ներառում են.

- Ցուցակված ընկերությունների ֆինանսական հաշվետվությունների աուդիտ
- Այնպիսի աուդիտներ կամ այլ առաջադրանքներ, որոնց համար առաքելության որակի վերանայումը պահանջվում է տեղական օրենսդրությամբ,
- Այնպիսի աուդիտներ կամ այլ առաջադրանքներ, որոնց համար աուդիտորական ընկերությունը որոշում է, որ առաքելության որակի հսկողությունը պարտադիր է՝ որակի հետ կապված մեկ կամ մի քանի ռիսկերի արձագանքելու համար:

| Աուդիտորական ընկերության պատասխանատվություն | Առաքելության որակի հսկողություն իրականացնող անձի պատասխանատվություն |
|---|---|
| <p>Ընկերությունը պետք է սահմանի քաղաքականություն կամ ընթացակարգեր, որոնք</p> <ul style="list-style-type: none"> • պահանջում են, որպեսզի ընկերությունում նշանակվի համապատասխան հմտություններով, ունակություններով և լիազորություններով անձ կամ անձինք, ովքեր ունենան առաքելության որակի հսկողություն իրականացնող անձ նշանակելու պատասխանատվություն • պահանջում են, որպեսզի այդ անձը կամ անձինք նշանակեն առաքելության որակի հսկողություն իրականացնող անձ, որտեղ կա նման անհրաժեշտություն, • սահմանում են չափանիշներ՝ առաքելության որակի հսկողություն իրականացնող անձ ընտրելու համար: | <p>Առաքելության որակի հսկողություն իրականացնող անձը</p> <ul style="list-style-type: none"> • չպետք է հանդիսանա առաքելության թիմի անդամ, • պետք է ունենա բավարար հմտություններ ու կարողություններ, այդ թվում նաև ժամանակ, որակի հսկողություն իրականացնելու համար, • պետք է համապատասխանի օրենսդրությամբ սահմանված պահանջներին, եթե կան նման պահանջներ՝ որակի հսկողություն իրականացնող անձ նշանակելու համար, • պետք է համապատասխանի էթիկական պահանջներին, ներառյալ օբյեկտիվությունն ու անկախությունը: Սա ներառում է նաև 2 տարվա «սառեցման» (քուլինգ-օֆֆ) դրույթը: |

Անհատները, ովքեր օգնում են առաքելության որակի հսկողություն իրականացնող անձին

Առաքելության որակի հսկողություն իրականացնող անձիք կարող են իրենց թիմում ընդգրկել անհատների, ովքեր կօգնեն իրենց իրականացնելու հսկողություն իրականացնող անձի գործառույթները: Այս անհատները նույնպես չպետք է հանդիսանան առաջադրանքի թիմի անդամներ և:

- պետք է ունենան բավարար հմտություններ ու կարողություններ, այդ թվում՝ նաև ժամանակ, որակի հսկում իրականացնելու համար,
- պետք է համապատասխանեն էթիկական պահանջներին, ներառյալ օբյեկտիվությունն ու անկախությունը

Առաքելության որակի հսկողություն իրականացնող անձը պետք է՝

- իր վրա վերցնի առաքելության որակի հսկողության իրականացման ողջ պատասխանատվությունը,
- իրեն օգնող անձանց ուղղորդման ու վերահսկման պատասխանատվությունը՝ վերջիններիս աշխատանքների բնույթը, ժամկետներն ու չափը որոշելիս:

Առաքելության որակի հսկողության իրականացումը

Առաքելության որակի հսկողությունն իրականացնելիս առաքելության որակի հսկողություն իրականացնող անձը պետք է բավարարի հետևյալ պայմանները՝

- կարդա և հասկանա այն տեղեկատվությունը, որն իրեն է տրամադրվել՝
 - առաքելության թիմի կողմից, որը վերաբերում է առաքելության և հաճախորդի բնույթին և այլ հանգամանքների,
 - աուդիտորական ընկերության կողմից, որը վերաբերում է ընկերության մոնիթորինգի գործընթացին,
- քննարկի առաքելության թիմի հետ էական հարցերն ու նշանակալի դատողությունները, որոնք կիրառվել են առաքելության պլանավորման, իրականացման և հաշվետվությունների պատրաստման ժամանակ,
- ձեռքբերված տեղեկատվության հիման վրա, վերանայի առաքելության թիմի կողմից կիրառված նշանակալի դատողությունները և գնահատի՝
 - այդ նշանակալի դատողությունների հիմքերը, ինչպես նաև մասնագիտական կասկածամտության օգտագործումը, էթե կիրառելի է,
 - արդյոք եզրակացությունները բավարար չափով են փաստաթղթավորված,
- ֆինանսական հաշվետվությունների աուդիտի համար, գնահատի, արդյոք առաքելության ղեկավարի այն որոշումը, որ էթիկական բոլոր նորմերը բավարարվել են, հիմնավորված է,
- գնահատի, արդյոք բարդ կամ տարընթերցվող հարցերի վերաբերյալ թիմը դիմել է անհրաժեշտ անձանց՝ խորհրդատվություն ստանալու նպատակով,
- ֆինանսական հաշվետվությունների աուդիտի համար, գնահատի այն հիմքերը, որոնցով առաքելության ղեկավարը որոշում է, արդյոք իր ներգրավվածությունը բավարար է առաքելության ընթացքում, ներառյալ նշանակալի դատողությունների ու եզրահանգումների հիմքերը,
- վերստուգի՝
 - ֆինանսական հաշվետվությունների աուդիտի դեպքում, ֆինանսական հաշվետվություններն ու աուդիտորի հաշվետվությունը, ներառյալ առանցքային հարցերը,
 - դիտարկման առաջադրանքների դեպքում, ֆինանսական հաշվետվություններն ու առաքելության հաշվետվությունը, կամ
 - այլ հավաստման կամ հարակից ծառայությունների դեպքում, առաքելության հաշվետվությունը, ինչպես նաև հավաստում պահանջող հարցի վերաբերյալ տեղեկատվությունը:

Ծանուցում տրամադրելու վերաբերյալ պատասխանատվություն

Առաքելության որակի հսկողություն իրականացնող անձը պետք է տրամադրի ծանուցում հետևյալ հանգամանքներում՝

| | |
|---------------------------------|--------------------|
| Ծանուցում պահանջող հանգամանքներ | Ծանուցվող կողմ(եր) |
|---------------------------------|--------------------|

| | |
|--|--|
| Առաքելության որակի հսկողություն իրականացնող անձն այլևս իրավունք չունի իրականացնելու որակի վերահսկում | Ընկերության համապատասխան անձ(իք) |
| Առաքելության որակի հսկողություն իրականացնող անձին անհանգստացնող, սակայն չլուծված հարցեր | Առաջադրանքի ղեկավար և ընկերության համապատասխան անձ(իք) |
| Առաքելության որակի հսկողության ավարտ | Առաջադրանքի ղեկավար |

Փաստաթղթավորման հետ կապված պահանջներ

Որակի հսկողության իրականացումը պետք է փաստաթղթավորվի այնպես, որ որևէ փորձառու հաշվապահ-մասնագետ, ով նախկինում չի առնչվել այս առաքելության հետ, կարողանա հասկանալ իրականացված ընթացակարգերի բնույթը, ժամկետն ու չափը, ինչպես նաև հսկողության արդյունքում կատարված եզրահանգումները:

| | |
|--|--|
| Առաքելության որակի վերահսկման փաստաթղթավորման ձևը, բովանդակությունն ու չափը կարող են կախված լինել՝ | Վերահսկման փաստաթղթավորումը ներառում է՝ |
| <ul style="list-style-type: none"> • առաքելության բնույթից ու բարդությունից • առաքելության որակի հսկողության ենթակա հարցերի բնույթից ու բարդությունից • Առաքելությանը վերաբերող փաստաթղթերի չափից | <ul style="list-style-type: none"> • առաքելության որակի հսկողություն իրականացնող թիմի անդամների անունները • վերանայված փաստաթղթերի անվանումները • առաքելության ղեկավարին ներկայացված ծանուցում՝ առաքելության ավարտի, ինչպես նաև անհանգստացնող որևէ հարցերի վերաբերյալ • առաքելության որակի հսկողության ավարտի ամսաթիվը |